



Universitätsbibliothek Paderborn

**Petri Petiti Philosophi & Doctoris Medici, Miscellanearum
Observationum Libri quatuor**

Petit, Pierre

Trajecti ad Rhenum, 1682

Cap. II. Quorundam Galeni librorum inscriptio mutila, ex Philopono
suppletur.

urn:nbn:de:hbz:466:1-13245

constet, ridiculæ personæ, & comici dramatis specimen fuisse Homeri Margiten. Aliquem enim multa malo suo dicensse, non est materia risus, sed miserationis.

C A P U T II.

Quorundam Galeni librorum inscriptio mutila, ex Philopono suppletur.

Xstant Galeni libri hoc titulo, *τερπί τῶν περὶ πονθότων λόπων*, hoc est, *de locis affectis*: Ita enim interpretes vertunt; Barbari, *de Ingenio*; Rabbi Moses in *Aphorismis*, *scientiarum libros* vocat. In quo sibi aquam hærere Hieronymus Mercurialis ingenue fatetur, lib. 3. *Var. lectionum*, nec se videre rationem, nec divinare posse ejusmodi appellationis. Mihi vero (ut obiter dicam) hæc ratio esse videtur, quod *Galenus* in iis libris methodum tradit, qua ex necessariis signis, quæ Græci *τεμπέλεια*, Medici *παθογνωμονικὰ* vocant, quæ corporis intus particula laboret, dignosci possit: ejusmodi enim methodus scientiam patit, quippe certam & necessariam cognitionem ex signis alicui parti propriis. Qua etiam causa impulsi Arabes videntur, ut ea volumina, ab ingenio inscriberent; quod præstantissimum humanæ rationis opus *ἀπόδειξη* arbitrarentur. Quemadmodum & Rabbi ille *Moses* hanc ipsam tractationem *scientiarum libros* vocasse non immerito existimetur, quod *Galenus* in eo opere potissimum, philosophi partes egregie impleat: qui in aliis vix censuram *Avi-sennæ* effugiat, arguentis eum, *de ramis quidem gustasse multum, radices autem ignorasse scientia*. Exstat hæc censura in libro ejus nono, de *Natura animalium* cap. 1. Et hæc, ut

F 3 dixi,

dixi, obiter quidem, nec abs re tamen: nunc quamobrem titulum eorum librorum, quem excusi omnes codices præferunt, mutilum existimem, dicam.

Cum Joannis Grammatici, qui & Philoponus dicitur, libros *disputationum contra Proclum, de Æternitate Mundi* legerem, incidi in quendam locum ubi Galenum citat ēν τῇ διαγνώσιᾳ, nempe in solutione nonæ dubitationis; Verba eius hæc sunt: Τέταρτον, τὴν μήτραν ζῶν εἶναι Πλάτων ὑπειληφειν ὅτερος οὐδὲν φεῦδος, ικανῶς ἐν τῇ διαγνώσιᾳ τῷ Γαληνῷ ἀποδέιπναι. i. Quarto: uterum muliebrem esse animal Plato existimavit: quod esse mendacium, abunde in *Diagnosticæ Galeno demonstratum est*. Eo loco Philoponus aliquod Platonicis opiniones παρακεκινθυνευμένας, ut ipse autumat, falsas recenset adversus *Proclum*, de quorundam divini ejus philosophi verborum sententia nimis anxium, eaque loca dedita opera interpolantem, ne magistrum alicubi errasse cogeretur fateri, tanquam hic αναμάρτητος fuisset. Hos inter errores Platonicos hunc etiam notat, quo uterum muliebrem, in *Timæo*, alterum esse animal in animali disputat, propria cupiditate incitari, & dum vehementius indignatione oberrat, gravium morborum causas mulieribus afferre. Αἱ δὲ ἐν ταῖς γυναιξὶν μήτραι τε καὶ ὑσέραι λεγόμεναι, διὰ τὸ ταῦτα, ζῶν βασιθυμητικὸν ἐὸν τῆς παιδοποίιας, ὅταν ἀκαρποὶ παρὰ τὴν ὥραν χρόνον πολὺν γίνησι, χαλεπῶς ἀγανακλοῦν Φέρει, καὶ πλανώμενον πάντῃ καὶ τὸ σῶμα, τὰς τε πνεύματα διεξόδους ἀποφρεάτοις, αναπνεῖν ἐκ τῶν, εἰς ἀπορίας τὰς ἔχατας ἐμβάλλει, καὶ νόσος παντοδαπὸς ἀλλας παρέχει. i. Ea pars quæ in mulieribus uterus & vulva nuncupatur, cum sit animal prolem generare cupiens, si intempestive diisque infructuosa fuerit, succensens agrest fert, erransque per totum corpus, & spiritus meatum obstruens, nec respirare sinens, in extremam auxietatem dejicit, ac morbos alios complures creat. Cœpi igitur mecum cogitare, num quod Galeni opus existaret titulo τῆς διαγνώσιᾶς, sed non diu cogitandum fuit; nullum

lum enim hujusmodi exstare, aut a Galeno fuisse conscriptum satis constat, præter quidem hos πεπονθότων τόπων libros. Quare statim suspicio animum percussit, non alios a Philopono ibi intelligi, hoc præsertim argumento, quod Galenus in sexto eorum librorum, modo allata Platonis verba adscribit de utero muliebri, ad hoc, ut falsam esse opinionem doceat. Ex quo quidem conjectare licet hanc fuisse integrum eorundem voluminum inscriptionem in bonis libris, quos Philoponus viderat; Περὶ τῆς διαγνωσικῆς μεθόδου τῶν πεπονθότων τόπων, sive παχόντων. i. De Methodo di-
gnoscendi locos affectos, supple, corporis humani. Et perquam verisimile est voluisse Galenum ut libros Θεραπευτικῆς μεθόδου; sic & libros διαγνωσικῆς μεθόδου τῶν πεπονθότων τόπων, suo nomine apud posteros exstare. Confirmat hanc conjecturam Galenus ipse statim initio eorum librorum: Οὐ πόσον ὡδὸν τὸ πρὸς τὰς ιώσεις ἔστι χρήσιμον, ἐκ τοιαύ-
της γνώσεως (supple διαγνωσικῆς τῆς καὶ τόπους πάθων) εὐ τῇ
θεραπευτικῆς μεθόδου πραγματείᾳ δηλώται· νῦν δὲ μένον,
ὅπως ἀν τις διαγνώσκοι τὰ πάσχοντα μόρια πρόκειται σκοπεῖ-
σαι. Totum Galeni locum ab initio Latine adscribere pla-
cket: Non solum recentiores Medici: sed veterum quoque non
pauci, corporis particulas, locos nominare consueverunt: ac
quam diligentissime affectus ipsis evenire solitos, dignoscere stu-
duerunt: propterea quod pro locorum differentia, curationem
quoque variari contingit. Sed quam utilis ad curationem sit hu-
jusmodi notitia, in eo libro, quem de curandi via & ratione
conscriptimus videre est. Nunc vero, quomodo affecta particulae
possint discerni, explicare duntaxat propositum. His verbis
clare Galenus suum in iis libris propositum declararat;
nempe velle se rationem tradere, qua quis certis indicis
partes affectas dignoscat, non de ipsis partibus, considerare.
Unde aliud pro eadem conjectura argumentum sumitur.
Quippe non de ipsis partibus affectis ibi agit Ga-
lenus: sed de modo & ratione discernendi, quæ particu-

la, quoque in morbo affecta sit. Ergo non Ηερι πεπονθό-
των λόπων, sed ἀερι διαγνώσεως, vel διαγνωσικῆς μεθόδου
λῶν πεπονθέτων λόπων inscribi ii libri debuerunt. Hincque
etiam non immerito aliquis suspicetur, mutilatum eadem
ratione Philoponi locum illum, quo Galenum citat, ac sic le-
gendum; εὐ τῷ διαγνωσικῇ μεθόδῳ λῶν πεπονθέτων τόπων.
Nisi potius dicendum est, hunc non nisi priora tituli verba
brevitatis causa posuisse, quod satis ex hoc initio, opus
istud Galeni singulare designatum putaret.

C A P U T III.

*Eadem opera Galeno in libri alterius inscriptione
commodata.*

Suspicor & titulum libri Galenici, Οὐρανὸν τὸν
ψυχῆς ἡγεμόνην ἐπετεινόντην σωματικὸν κέρας. Quod animi
mores sequantur temperamentum corporis: non
esse integrum. Quis credat Galenum virum
spectatæ probitatis & prudentiæ, & quod ca-
put est, in libris philosophorum, atque in primis Platonis non
perfunditorie versatum, id sibi argumenti usquam propo-
suisse ad scribendum, quo maximum universæ moralis di-
sciplinæ principium, liberum scilicet arbitrium, unaque
philosophiam funditus iret eversum. Nam si mores animi
simpliciter & citra exceptionem nativam corporis indiq-
uem ac temperamentum sequuntur, non video quid pro-
fint præcepta sapientiæ, & leges quæ corporis naturam mu-
tare non possunt. Frustra Socrates ad amicos Zopyrum
irridentes physiognomonem, quod se hebeti ingenio, &
libidinosum pronunciasset, emendatam sibi philosophiæ
Studio naturam dixisset. Frustra Cicero in lib. de Fato, de
altero philosopho scriberet: Stilponem Megaricum philoso-
phum,